



UNTUK ALBUM ... Zakaria (tengah) di samping Wan Mohamad serta mereka yang lain merakamkan kenangan selepas taklimat mengenai industri ubi kayu di Fakulti Pertanian Lestari, UMS Kampus Sandakan.

LAWATAN ... Zakaria menunjukkan hasil tanaman ubi kayu yang dijalankan pihak universiti semasa melawat ke tapak kawasan penanaman.

# Fakulti Pertanian Lestari UMS S'kan jalankan kajian potensi tanam ubi kayu

NST 14.10.2016 6

Oleh ROZZALIN HASHIM  
(rozzalin@newsabahtimes.com.my)

**SANDAKAN:** Fakulti Pertanian Lestari, Universiti Malaysia Sabah (UMS) Kampus Sandakan akan menjalankan penyelidikan terhadap potensi penanaman ubi kayu yang boleh dijadikan sebagai tanaman industri.

Bercakap kepada pemberita dalam satu sidang media petang Rabu lalu, Dekan UMS di kampus itu Prof Dr. Wan Mohamad Wan Othman memberitahu pihak universiti bakal bekerjasama dengan sebuah syarikat di Semenanjung untuk mengkomersialkan tanaman yang hasilnya boleh dipelbagai ini.

Menurut beliau, ubi kayu bukan sahaja boleh dijadikan sebagai produk makanan tetapi juga mempunyai potensi sebagai makanan ternakan dan hampasan malah di salah sebuah negara jiran telah berjaya menghasilkan mee dari kanji ubi kayu.

Beliau berkata, pihaknya memerlukan masa sekurang-kurang dalam tempoh lapan hingga 18 bulan untuk menjalankan penyelidikan yang akan mengambil kira daripada segi kandungan pembajaan dan sebagainya.

Katanya, penyelidikan untuk tempoh tersebut berupaya mendatangkan hasil dua kali ganda bagi mengeluarkan tanaman ibu kayu yang berpotensi besar sebagai industri

selain makanan hiliran.

"Pihak kita akan memperkenalkan industri daripada penanaman ubi kayu melalui satu kerjasama dengan pihak syarikat. Kita sudah mula dengan sedikit tanaman dan akan buat penyelidikan nanti," jelasnya.

Sebelumnya, satu taklimat tentang industri ubi kayu telah diberikan kepada Pembantu Menteri Kerajaan Tempatan dan Perumahan merangkap Ahli Dewan Undangan Negeri (Adun) Gum-Gum Datuk Zakaria Mohd Edris seterusnya dibawa melawat ke tapak kawasan penanaman di fakulti itu.

Bercakap kepada pemberita beliau menyambut baik usaha pelabur untuk membuka kilang pemprosesan di sini dan mengalakkan masyarakat di kawasan sekitar untuk menanam ubi kayu di kawasan terbiar supaya dapat menambah hasil pendapatan mereka.

"Saya dan rombongan daripada Biro Pembangunan Ekonomi Umno Bahagian Libaran telah mendengar taklimat berkaitan potensi industri ubi kayu yang sangat baik kepada masa depan pemakanan di Sabah amnya Malaysia selain boleh dijadikan sebagai produk berasaskan industri lain.

"Ini merupakan satu usaha yang penting sekali di mana saya difahamkan bahawa pihak kerajaan negeri juga amat menggalakkan penanaman ubi kayu yang

boleh disyorkan di negeri ini.

"Justeru, pihak industri yang menggerakkan potensi ubi kayu datang ke sini untuk memberikan taklimat tentang perkembangan mereka ... saya menyambut baik lagi pun kerajaan sentiasa menyasarkan bagi mempromosi ubi kayu di Sabah, yang hasilnya boleh dijadikan bermacam-macam produk," katanya.

Sehubungan dengan itu, beliau berkata penduduk sekitar wajar memanfaatkan tanah terbiar dengan menanam ubi kayu sebagai satu usaha untuk menambah pendapatan mereka.

Ini katanya, setiap satu ekar yang ditanam ibu kayu boleh mencecah pengeluaran sehingga 20 tan dan sudah pasti kilang-kilang industri akan membelinya sekali gus mendatangkan pendapatan lumayan kepada penduduk.

Sementara itu, Ketua Pegawai Eksekutif Natures Harmony Industries Sdn Bhd yang berpejabat di Kuala Lumpur iaitu R Meyyanathan memberitahu industri ubi kayu mempunyai pasaran yang cerah pada masa depan berikutan ia akan menggantikan plastik untuk bahan-bahan kegunaan.

"Syarikat kita telah pun melaksanakan usaha ini dan nampaknya tanaman ibu kayu boleh dijadikan pelbagai produk dan sebagai contoh pembungkusan serta juga pinggan.